



Senin, 30 Mei 2022
Ogen : Rut 1:16-17



"Ku Ja Kam Lawes Ku Je Aku"



Kesetiaan merupakan ketulusan untuk menyimpan di dalam hati dan berjanji untuk tidak mengkhianati. Bagi janji si ibelaken tupung pemasu-masun perjabun, 'sirang mate maka sirang.' Kata-kata janji e nuratken erti si mbages e me setia seh mate. Salah sada tokoh bas pustaka si encidahken kesetian e me Rut. Tupung ia ras bibina ercakup-cakap kerna kecibal geluh keluarganya. Ipindoken bibina Naomi gelah Rut mulihken ku jabu orangtuana bagi si enggo ilakoken cimbangna si Orpa. Tapi Rut la ngelakoken pemindon bibina e. Nina man bibina, 'ola isuruhndu aku berkat nadingken kam bibi, raslah kita, ku ja kam lawes ku je aku, i ja kam ringan, i je aku ringan. Bangsandu jadi bangsaku, Dibatandu jadi Dibatangku.' Rut erpadan lako tetap ras bibina.

Labo lit nari si man arapenken bas bibina Naomi, subuk erta kebayaken, bage pe anak si banci gancih perbulangen Rut. Gegeh Naomi pe enggom kurang, geluhna tading man sampaten naring. Tapi bage pe iueken Naomi lako ngikutken ia mulih ku Betlehem. Kai nge si erbahansa maka tetap kal ukur Rut ngikutken Naomi? I bas pusuh Rut si mbages nari kal lit keleng ate. Bersih pusuhna engkelengi bibina. Kekelengen si la ngarapken semulih. Kekelengen si dem pengorbanen. Nggit ia nampati bibina, nemani ras ngarak-ngaraksa. I bas pembabai ras pengajaren bibina kerna Dibata, dungna turah kiniteken Rut man Dibata. Biasana kalak Moab nembah man baal-baal, tapi Rut nggit nadingken kinitekenna si gelgel, salih kinitekenna jadi nembah Dibata. Bagem belinna gegeh ate keleng, lit si arus itadingken bas dirina pe ia bersedia.

Kesetian e teridah arah kekelengen. Si rehna i bas pusuh si bersih nari. Keleng ate si la pernah ngarapken imbalan. Tek man Tuhan maka simehulina pasti isikapken Tuhan man kalak si dem keleng ate.



Cikep perpadanenta ras perbulangenta alu nuduhken ate keleng si la mindo semulih.